

May 2012



Estd. Oct. 1994

# KRISTIAN MALIPANG



Nun fimkhur a ngai .....	2
Tumruhna .....	5

**Kum 18-na**

**May 2012**

**Bu 212-na**

*Editor*  
**Zohmingliana**

*Managing Editor*  
**Rev. K. Lalpiangthara**

*Joint Editors*  
**Upa F. Lalsangliana**  
**Upa K. Thangkima**

*Circulation Manager*  
**Upa C. Lalbiakluanga**

# **K R I S T I A N N A U P A N G**

**Synod Office**  
**Mission Veng, Aizawl -796001**  
**Phone - 0389-2324590**

**e-mail:**  
[kristiannaupang@gmail.com](mailto:kristiannaupang@gmail.com)

A man pe duh leh a bu la duh  
chuan Circulation Manager  
hriattir tur a ni.

**Kum khat lak man Rs. 30.**

*Kristian Naupanga thu chhuahte hi Editor ngaih dan a ni vek kher lo.*

## **A chhunga thu awmte**

	Phek
1. <b><i>Enkawltu lam atangin</i></b> .....	3
2. Nun fimkhur a ngai .....	4
3. Mipa naupang Beiseia .....	5
4. Tumruhna .....	7
5. Bobby Lee .....	8
6. Lori Adams.....	11
7. Hriatzauna .....	12
8. Zawn chhuah .....	13
9. Chei chhuah .....	14
10. Bible milem .....	15
11. Ka hmuh ang hmu thei rawh .....	Inside Cover

***Enkawltu lam aʔangin***


Nikum lama school kal dan thar hman ʔan CCE (Comprehensive and Continuous Evaluation) chu tihdanglam hret a ni leh ta a. Entry (tun hmaa term tih ʔhin ang deuh khan) thum neih ʔhin kha entry hnihah tih tlem niin entry tawpah exam a awm bawk dawn a ni.

Entry tina assignment leh project in neih ʔhin te hian mark an keng vek a, entry tawpa in exam-a in mark hmuh nen belh khawmin in result siam a ni dawn a ni. Chuvang chuan, assignment leh project in neih reng reng uluk leh ʔha taka in tih zel chuan kum tawpah result ʔha tak in nei thei dawn a ni.

Heti hi a nih avangin kum tluanin ʔan mar pʔat a ngai a, inthlahdah hman a ni lo.

## NUN FIMKHUR A NGAI

Hmanlai hian khaw pakhatah hian nupa fel deuh mai hi an awm a, an hming chu Aremi leh DKA a ni a. Fapa pakhat kum thum mi an nei a, a hming chu Hriata a ni.



DKA hian meizial a zu ve thin a. Ni khat chu a fapa Hriata chuan puitlin a chak thu a sawi a. A pa chuan a chhan a han zawh chuan a fapa chuan, “Mei zuk ka chak ve tawh alawm,” tiin a chhang a.

A pa chuan, “E! Bawiha, zu ve reng reng suh, a tha lo teh mai a nia. Keini pawh hei kan insum thei tawh lo a nih hi. Zu ve reng reng suh. Kan insum theih loh avangin mahni leh mahni harsatna kan insiam a, kan hriselna pawhin a tawrh phahin kan vun te pawh a hrisel theih hauh loh hi,” tiin a hrih ta a.

Hriata chuan a pa chu a han en vang vang a, “Ka zu ve hauh lo vang,” tiin a chhang ta a.

Ziaktu - Hunlawmawmi (Tetei)  
Kum - 13, Class- VII,  
Intermediate Dept.,  
New Serchhip North Kohhran

## MIPA NAUPANG BEISEIA

Mipa naupang pakhat Beiseia hi a awm a. Lehkha a thiam thei vak lo va, term exam-ah te hian a fail fo va; mahse, a beidawng duh chuang lo. A thiam theih loh êm avang chuan a ðiante pawhin an hmusit thei hle a. Mahse, amah chuan beidawng lovin ða takin lehkha a zir ðang ðang ðin.



A nu chuan a khawngaih hle mai a, “Bawihte, lungngai mah ta che. ða takin zir la, Distinction-ah te pawh i pass thei alawm,” a ti a. Chuta ðang chuan a rilru a tikhauh zual a, nasa lehzualin a zir a, an pawlah pawh a thiam zingah a tel chho ve thei ta a ni.

Kum tawp exam-ah chuan a nu tih ang ngeiin Distinction-ah a pass ta hlawl mai a, a ðiante pawhin mak an ti em em mai a. In thlena a nu hrih hlan a nghakhlel hle mai a, a tlan haw vat a.

A nu a hrih chuan a nu lawm lutuk chu a biangah a mittui a luang zawih zawih mai a. A nu chuan, “Pathian hnenah lawm thu i sawi ang,” a ti a, an ðawngðai a. An ðawngðai zawh chuan a nu chuan, “Tun a ðang chuan Pathian hnenah inngat tlat tawh ang che,” tiin a fuih zui a.

Beiseia pa hi ram danga hnathawk a ni a. An khaw lama haw turin motor-in a kal a; a haw kawngah chuan

leilawn a awm a. Chu leilawn a zawh lai chuan a tliak a, a hnuai luih chuan motor nen a pil ta a. Chhanchhuaktu pawlten an rawn hmuh chuan a lo thi hman tawh a, Beiseia nu chu an phone nghal a.

A pasal thih thu a han hriat chuan a rilru na lutuk chu nikhaw hre lovin a tlu ta tawp mai a. Tu mahin an hre lo va. Beiseia pawh, “Ka pa a lo haw dawn,” tiin phur deuhin school a kal kha a ni a. School bana in a rawn thlen chuan a nu chhuatlaia nikhaw hre lova lo let reng a han hmuh chuan mangang takin, “Ka nu! Ka nu!” tiin a sâwi vak vak a. A nu chu chiang lo deuh hian a rawn harh a, “Ka nu, eng vangin nge hetiang hian i awm, ka lungngai lutuk asin,” a ti a.

A nu chuan, “Nichin khan mi pakhatin min rawn bia a, i pa thih thu a rawn sawi a,” a ti a. Chu veleh Beiseia chu a lungngai em em a; mahse, “A pawl lo ve, ka nu. Ka pa chu he lei hrehawmna a ñangin Pathian hnenah a kal ta a nih hi,” tiin a nu chu a hnem ta a.

Ziaktu - Chingsangaihi  
Kum 13, Class VII  
Gov't Middle School,  
Kawlbem

(Class VII, Gov't Middle School, Kawlbem thawnthu inziaksiaka pakhatna)

1. Zirtirtu lu chung a card intâr a inang lo .
2. Sepherd-a ‘S’ tih inziak a awm ve lo.
3. Zirtirtuin pen a hum ve lo.



4. Black board sirah maimawm a awm ve lo.
5. Naupang bek sam a inang lo.
6. Naupang bawk mawza a inang lo.

## TUMRUHNA

Hmanlai hian Remruata a awm a. Inkhelh hi a tui em em thin a, nuam pawh a ti hle a; mahse a thiam vak lo va. An school sport-ah te hian thlan hnahnun ber a ni thin. Remruata chuan nuam a ti lo hle thin a, mahse, inkhelh chu a tui si a, theih tawpin tan a la a, a bei tang tang thin a ni.



Ni khat chu an zirtirtuin, “Thil engkimah tum chuan kawng a awm. Vawi tam tak hlawhchham mah ula, kawng a awm zel tih hre rawh u,” a ti a. Remruata chu a phur chho ta hle mai a, tumruhna nen a bei ta a.

An school chuan sport an nei leh ta a. Vanneihthlak deuh maiin a lut ve a, a pet goal hlah mai lehngal a. A lawm lutuk chu a tawngtai mawlh mawlh mai a ni.

An school luh hmasak berah chuan an zirtirtuin chuan, “Remruata hi inkhelh a tui a; mahse, a thiam lohzia chu kan hria a. Tumruhna nen a bei a, a lo thiam chho ve ta a nih hi. Chuvangin, nangni pawh in thiltih apiangah tumruhna nen in beih chuan in hlawhtling zel ang,” tiin a fuih ta hlawm a.

Ziaktu - K. Roduhawma  
Junior Dept.,  
Mamit Hmunsam

## BOBBY LEE

Ka nau nen kan school ban hian oil thlitfimna kan kal pel ziah a. Ka nu hian kan unaua kal dun zel tur leh hmelhriat loh be lo turin min fuih ziah a. Tlai khat chu kan thil tawnin thil a tidanglam vek thung. Ka nau nena kan kal dun hnak hnak lai chuan putar aw hian, "Naupangte u," tiin minrawn ko va.



Ka han hawi chuan putar upat hmel tawh deuh hian min lo nuih var var a.

"Hi," tiin ka lo chhang ve mai a, mahse, ka hnaih duh chuang lo va.

"Thei tui in in duh em? Heti laiah hian tlai tin inrawn kal ziah a, tihnat che u ka tum hauh lo a nia," arawn ti leh a.

Ipte rit zet ak chungakal ka nih avang chuan lum ka ti hle mai a. Mahse, hmelhriat loh ka biak thu ka nauin ka nu a hrilh huna min tih dan tur ka hriat sa avang chuan, "Kan châk lo ve, kan lawm e. Ka nuin hmelhriat loh biak loh tur a ti tlat a," tiin ka chhang a.

"Ka hre thiam e. I nu chuan a tidik a ni. Bobby-a ka nia. Kal vat vat rawh u le," tiin pal kawngkaah chuan a lut zui ta a.

'Pa mak tak a nih dawn hi,' tia ngaihtuah chungin *hmelhriat loh* ka ti khan a rilru a tina ang tih ka hlau deuh hlek a.



In kan thlen chuan kan thil tawn chu ka nu hnenah ka hrilh a. Ka nu pawh chuan ka thil tih dan chu tha min tihpuiin hmelhriat loh laka fimkhur tur chuan min fuih zui a. Putar chu hmuh loh hram kan tum zui a. Mahse, a theih loh. Kawng danga han haw dawnin a him lo zawk bawk si a, a buaithlak khawp mai. Chu lai kan thlen chuan putara chuan min lo au ve ziah lehngal.

Ni khat chu kan chhungin tlaiah kein kan leng chhuak a, putara awmna lai kan thlen dawn chuan lo awm se, mi hlauhawm a nih lohzia ka nu leh pate chuan hre ve se ka ti hle mai a.

Ka beisei ang ngei chuan a lo awm a. Ka nu rawn pan pah hian, “Kan nula tē-i nu leh pa in ni ngei ang maw? Ka hmu che u chu ka lawm hle mai,” a ti luam a.

A nui hmel leh ka nu leh pate phawk hmel chu a hmuhnawm ngei mai. An inbiak luam hnu chuan kan haw leh ta a. In kan thlen chuan tlaiah Bobby-a tlawh min phalsak ta a.

Chuta tang chuan school ban apiangin ka nau nen chuan Bobby-a chu kan tlawh haw ta ziah a. A hnathawhna pisa-a lengah te min sawmin kan zirlai chanchin leh ka infiamna ngainat zawng te min zawt a.

Kan thian dangte pawh Bobby-a tlawh tur chuan ka sawm ve hlawm a. Rei lo teah naupang sawm leh panga vel zet hian kan tlawh haw ta ziah a. Chewing gum leh theitui min lo pe ziah lehngal a. Ka ngaihtuah let hian kan lo tihhautakzia ka hre chhuak.

Chutiang chuan Bobby-a chu kum thum zet school banah kan tlawh haw ziah! A tawpah chuan ka nuin thil eng emaw tihsak ve tulin a hria a. A ngaihtuah fe hnuah lawm thu sawina thuziak pek tha berin a hre ta a.

A hnathawhna hmun oil thlitfimna ngeia va hlan ni se a ti a. A hun atan Pate Ni ni se a ti bawk a. Bobby-a tlawh thin naupangte bakah an nu leh pate pawh chumi hun hmanpui tur chuan a sawm a.

Thuziak lian tawkah chuan 'Kan veng naupangte pu tan' tih hi a ziak kuau a, a hnuaiah kan hming a ziak tlar bawk a. Chu thil an hlan chuan Bobby-a chu a tap zawih zawih mai a. Amah ngainatu mi chutiang zozai chu a la tawng ngai lo pawh a ni mai thei.

Chumi hnu chawlh kan neih hmasak berah ka nuin kan thla lakho chu a pe a, a roh khawp mai.

February thla, khaw vawh deuh ni hian tlai khat chu ka nau nen va tlawh leh kan tum a, Bobby-a thih thu min lo hrih ta mai. Kan hrihhai ngei mai. Ni eng emaw zat chu ka tap a ni; ka tan chuan ka pu tak tak ang mai a ni si a.

Ka nu leh kan thiante zinga mite nu pahnih nen a vuinaah an va tel a. A kuangah an lo dah tawhin a ruang chungah chuan thil pathum - America flag kil thum neia thleh (sipai bang an thiha an tih dan thin) te, Pate Nia amah chawimawina thuziak kan pek leh chumi ni veka naupanghovin thla kan lakpui te chu an lo dah a. Bobby-a khan fa a neih loh avangin keiniho chu a fate ang maiin min en a ni ngeiin ka ring.

Tun thleng hian putar chungkaw enkawl tur nei lo, mahse naupang harh tak tak kilkawia ngaina zui em emtu chu ka rilruah hian a awm reng a. Bobby-a nena kan inhmelhriat chhan leh kan thiante nena kan va tlawh fo chhan chu ka hre ta - mi tuin emaw an hmangaih a ni tih hre reng chungin a hun a hmang zo ta a ni.

(Daphne M. Orenshein-i ziah, *Bobby Lee* tih Chicken Soup for the Preteen Soul bua mi lehlin a ni.)

## LORI ADAMS

Vurin a bawh khah luk mi pahnihte chu a ngaihna hre lo leh hamhah takin Lori leh Jim-a chuan an thlir reng a. Tute nge an nih hriat mai theih loh khawpin vurin a bawh a ni.



Jim-a chuan, “Cindy-i leh Ellen-i te an nih hi! Kawng hi minrawn karpui rawh,” tiin a rawn au chhuak a.

Kawngka an khar phui leh hnu chuan Lori chu a nau Cindy-i bulah a rawn thing thi a, “Cindy, engtin nge i awm, i tha em?” a rawn ti vat a.

A chhang ta mai si lo. An ri hriat chhun chu pawn lama thli thaw vuk vuk thawm chu a ni mai.

“Cindy!” tih pahin Lori chuan a kokiah a vuan a, a sawi nawk nawk a, a ko mawlh mawlh bawk a.

Jim-a pawh phawk hra hian a u bulah a rawn thu a. A mitmengah chuan a thlaphang a ni tih a lang nghal a.

Cindy-i chu a rawn rum tiah tiah a.

“Eng nge thil awm dan?” tih paha Ellen-i va melh zauh pahin Jim-a chuan a lo ti vat a. “Eng...” a tih zawm dawn lai takin Ellen-i chu a rawn che hret a.

“An la dam ve ve a nih hi. Pathian hnenah lawm thu kan sawi ngei tur a ni,” Lori chuan a ti vat a. Minute eng emaw zat hnuah Ellen-i chu a sir zawngin a han inlet a, a rawn meng chhuak ta a. A hmaite chu a dang var vek a, thawk pawh harsa a ti hle a. Tawng a han tum a, a thei mai lo va.

Cindy-i pawh a hnu rei vak lovah a inlet a, kut khur hlak hlakin a rawn inbeng kang a, a rawn thu chhuak a.

(Awm zel tur)



## *Hriatzauna Huang*

Furpui kan lo hnaih chho leh ta a. Ruah tui tam kumah chuan June thla chanve hnu lamah te hi chuan ruah a sur tan titih tawh mai thin. Kuminah hian eng nge a an dawn ni.



Kum tina Mizoramin fur laia harsatna kan tawh ziah thin chu lei min hi a ni a. Khaw kar kawng a min phei chuan chaw nghei mai pawh hlauhawm tak a ni thin. Chu ai maha pawh thin chu lei minin in leh lo a tichhe thin hi a ni.

Mizoten in kan saka kan uluk tawh loh fo thin chu tuichhe paihna hi a ni a. Chu bakah tuidawn siam mumal lo te pawh kan awm fo mai.


Tuihawk leh tuichhe luanna tur kawr mumal tak siam a nih loh chuan a rem lai laiah a hreuh a, a reiah kan in leh lo tana hlauhawm a lo ni mai thin.

Furpui a lo thlen tak tak hma hian kan in leh a vel te enfiah tha ila. Keini naupangte pawhin kan theih ang angin tui luanna tur lo siam ve ila; tichuan, nasa takin lei min tur kan veng thei dawn a ni.

# ZAWN CHHUAH

A hnuuia bawm chhungah hian Tirkkohte Thiltih bung 5-naa thil hming/thu mal 10 phum bo a ni a. Bible keu la, han zawng chhuak teh. Thla lelah a chhanna a lo chhuak ang.

THAI DAN TUR



T	H	I	N	G	P	H	U	I	P
H	T	H	L	A	R	A	U	S	U
L	A	I	I	N	T	R	A	A	I
E	R	N	R	U	N	N	U	P	T
P	N	G	A	H	N	I	A	H	H
A	S	A	D	U	K	K	A	I	I
S	H	I	N	T	H	O	I	R	A
A	I	D	B	U	N	G	H	I	M
L	I	A	N	K	R	I	S	T	A
K	U	M	T	H	U	M	T	I	E

A	L	A	B	A	S	T	A	T	C
I	L	S	A	L	I	H	R	A	H
L	P	E	T	E	R	A	O	W	A
D	A	M	K	O	O	L	I	N	K
A	R	J	O	S	E	F	A	G	K
R	T	N	A	Z	A	R	E	T	H
R	H	I	O	R	R	N	M	A	A
U	I	H	P	O	T	E	D	I	I
L	L	U	U	R	E	A	L	R	O
S	K	P	B	A	R	N	A	B	A

## THLA HMASAA MI CHHANNA

- |               |              |
|---------------|--------------|
| 1. NAZARETH   | 6. BARNABA   |
| 2. PETERA     | 7. KUPRA     |
| 3. ALEKSANDRA | 8. SEM       |
| 4. DAM        | 9. CHAKKHAI  |
| 5. JOSEFA     | 10. TAWNGTAI |




# CHEICHHUAH



Rinpui leh Apuii chuan an duh hle

Chei dan tur


P = Pawl, E=Eng, H=Hring.





Bible Milem : **JEREMIA**



B.C. 626-AH NABOPOLASSARA CHU BABULON LAL A LO NI  
 A.KUM TAM TAK CHHUNG AN RAM LO AWPTU ASSURIA  
 SAWRKAR LAKAH A INLA HRANG TA A. HEI HI JERUSALEMA  
 JOSIA LAL KUM 13-NA A NI A. HE MI KUM VEK HIAN  
 JEREMIA'N ZAWLNEI NI TURIN KOHNA A DAWNG A.  
 JEREMIA CHU ANATHOTH KHAW PUTHIAM HILKIA  
 FAPA A NI.



Bible Milem : **JEREMIA**





Bible Milem : **JEREMIA**



## Bible Milem : JEREMIA



AWM ZEL TUR

# KA HMUH ANG HMU THEI RAWH



*A chung a lemziak chi hnih khi ngun takin en la, a inan lohna chi ruk hmu thei rawh.*

## **A hnuaiah hian a chhanna lo ziaak la**

- 1.....
- 2.....
- 3.....
- 4.....
- 5.....
- 6.....

**A chhanna chu thla lelah kan rawn chhuah ang.**

Postal Regn. No.  
MZR/70/2012-2014  
RNI Regn. No. 66996/96

## HRIATTIRNA

Kristian Naupang  
chanchinbu agent, Synod  
Office leh Synod  
Bookroom aṅanga latu  
zawng zawngten in mobile  
number

Editor/Circulation  
Manager hriattir tur a ni.  
Chanchinbu chhuah  
hunah hriattir in ni ṭhin  
dawn a ni.

Dak aṅanga dawngte  
erawh chuan hriattir a  
ngai hran lo.

To

Published by Rev. K. Lalpiangthara,  
Synod Literature & Publication Board, Aizawl and Printed at  
the Synod Press, Mission Veng, Aizawl - 796001. C - 19,500